

OFFERYNNAU STATUDOL CYMRU

2005 Rhif 1915 (Cy.158)

Y GWASANAETH IECHYD GWLADOL, CYMRU

Rheoliadau'r Gwasanaeth Iechyd Gwladol (Ffioedd am Gyffuriau a Chyfarpar) (Cymru) (Diwygio) (Rhif 2) 2005

Wedi'u gwneud - - *12 Gorffennaf 2005*

Yn dod i rym, ac eithrio

rheoliadau 2 a 7 *1 Awst 2005,*

Rheoliadau 2 a 7 *1 Ebrill 2006*

Mae Cynulliad Cenedlaethol Cymru drwy arfer y pwerau a roddwyd gan adrannau 77, 83, 83A a 126(4) o Ddeddf y Gwasanaeth Iechyd Gwladol 1977 a pharagraff 1 o Atodlen 12 iddi(1), drwy hyn yn gwneud y Rheoliadau a ganlyn:

Enwi, cychwyn, cymhwyso a dehongli

1.—(1) Enw'r Rheoliadau hyn yw Rheoliadau'r Gwasanaeth Iechyd Gwladol (Ffioedd am Gyffuriau a Chyfarpar) (Cymru) (Diwygio) (Rhif 2) 2005 a deuant i rym ar 1 Awst 2005, ac eithrio rheoliadau 2 a 7 a fydd yn dod i rym ar 1 Ebrill 2006.

(2) Mae'r Rheoliadau hyn yn gymwys o ran Cymru.

- (1) [1977 p.49](#); gweler adran 128(1) fel y'i diwygiwyd gan Ddeddf y Gwasanaeth Iechyd Gwladol a Gofal Cymunedol [1990 \(p.19\)](#) ("Deddf 1990"), adran 26(2)(g) ac (i), i gael y diffiniadau o "prescribed" a "regulations". Diwygiwyd adran 83 gan Ddeddf yr Awdurdodau Iechyd [1995 \(p.17\)](#) ("Deddf 1995"), adran 1 ac Atodlen 1, paragraff 39 a chan [O.S. 2000/90](#), erthygl 3(1) ac Atodlen 1, paragraff 13(1) a (4). Mewnosodwyd adran 83A gan Ddeddf Nawdd Cymdeithasol [1988 \(p.7\)](#) ("Deddf 1988"), adran 14(1); ac fe'i diwygiwyd gan Ddeddf 1990, adran 66(1) ac Atodlen 9, paragraff 18(5)(a) a (b); gan Ddeddf Iechyd a Meddyginiaethau [1988 \(p.49\)](#), adran 25 ac Atodlen 2, paragraff 6; gan [O.S.1998/2385](#), erthygl 2 a chan Ddeddf 1995, adran 2(1) ac Atodlen 1, paragraff 40. Diwygiwyd adran 126(4) gan Ddeddf 1990, adran 65(2) a Deddf Iechyd [1999 \(p.8\)](#) ("Deddf 1999"), Atodlen 4, paragraff 37(6). Diwygiwyd paragraff 1 o Atodlen 12 gan Ddeddf y Gwasanaethau Iechyd [1980 \(p.53\)](#), adran 25(2) ac Atodlen 5, paragraff 1; gan Ddeddf 1988, adran 16 ac Atodlen 5; gan Ddeddf y Gwasanaeth Iechyd Gwladol (Gofal Sylfaenol) [1997 \(p.46\)](#), adran 41(10) ac Atodlen 2, paragraff 31 a chan Ddeddf Iechyd a Gofal Cymdeithasol (Iechyd Cymunedol a Safonau) [2003 \(p.43\)](#), adran 184 ac Atodlen 11, paragraffau 7 a 44. Trosglwyddwyd swyddogaethau'r Ysgrifennydd Gwladol o dan adrannau 77, 83, 83A a 126(4) o Ddeddf y Gwasanaeth Iechyd Gwladol 1977 a pharagraff 1 o Atodlen 12 iddi i Gynulliad Cenedlaethol Cymru gan Orchymyn Cynulliad Cenedlaethol Cymru (Trosglwyddo Swyddogaethau) 1999 ([O.S.1999/672](#)), erthygl 2 ac Atodlen 1, fel y'i diwygiwyd gan Ddeddf 1999, adran 66(4), Deddf Iechyd a Gofal Cymdeithasol [2001 \(p.15\)](#), adran 68(1), Deddf Diwygio'r Gwasanaeth Iechyd Gwladol a Phroffesiynau Gofal Iechyd [2002 \(p.17\)](#), adran 40(1) a Deddf 2003, adran 197(1).

(3) Yn y Rheoliadau hyn, ystyr “y prif Reoliadau” (“*the principal Regulations*”) yw Rheoliadau'r Gwasanaeth Iechyd Gwladol (Ffioedd am Gyffuriau a Chyfarpar) (Cymru) 2001(2).

Diwygio symiau a bennir yn y prif Reoliadau

2. Am bob swm a bennir yng ngholofn (3) o'r Atodlen i'r Rheoliadau hyn, pan fydd y swm hwnnw'n ymddangos yn narpariaeth y prif Reoliadau, a honno'n ddarpariaeth a bennir mewn perthynas â'r swm hwnnw yng ngholofn (1) (ac y gwelir yng ngholofn (2) beth yw ei phwnc), rhodder yn lle'r swm hwnnw y swm a bennir mewn perthynas ag ef yng ngholofn (4).

Diwygio rheoliad 2 o'r prif Reoliadau

3. Yn rheoliad 2 o'r prif Reoliadau (dehongli)—

(a) yn y man priodol yn nhrefn yr wyddor, mewnosoder—

“ystyr “Rheoliadau Ffioedd 2000” (“*the Charges Regulations 2000*”) yw Rheoliadau'r Gwasanaeth Iechyd Gwladol (Ffioedd am Gyffuriau a Chyfarpar) 2000(3);”;

(b) yn y diffiniad cyntaf o “swp-ddyroddiad” (“*batch issue*”) yn lle “rhagnodydd” ym mhob man y digwydd, rhodder “rhagnodydd amlroddadwy”;

(c) hepgorer yr ail ddiffiniad o “swp-ddyroddiad” (“*batch issue*”);

(ch) yn y man priodol yn nhrefn yr wyddor, mewnosoder—

“ystyr “swp-ddyroddiad cyfatebol” (“*equivalent batch issue*”) yw ffurflen a ddarperir o dan drefniadau cyfatebol sy'n effeithiol yn Lloegr, yr Alban a Gogledd Iwerddon a ddyroddir gan ragnodydd amlroddadwy ar yr un pryd â phresgripsiwn amlroddadwy cyfatebol i alluogi fferylllydd i gael taliad am ddarparu gwasanaethau amlweinyddu;”;

(d) yn y man priodol yn nhrefn yr wyddor, mewnosoder—

“ystyr “ffurflen bresgripsiwn gyfatebol” (“*equivalent prescription form*”) yw ffurflen a ddarparwyd ac a ddyroddwyd o dan drefniadau cyfatebol sy'n effeithiol yn Lloegr, yr Alban neu Ogledd Iwerddon i alluogi person i gael gwasanaethau fferyllol neu wasanaethau fferyllol lleol ac nad yw'n cynnwys—

(a) ffurflen bresgripsiwn Gymreig;

(b) presgripsiwn amlroddadwy Cymreig; neu

(c) presgripsiwn amlroddadwy cyfatebol;”;

(dd) yn y man priodol yn nhrefn yr wyddor, mewnosoder—

“ystyr “presgripsiwn amlroddadwy cyfatebol” (“*equivalent repeatable prescription*”) yw presgripsiwn a geir mewn ffurflen ac a ddyroddwyd o dan drefniadau cyfatebol sy'n effeithiol yn Lloegr, yr Alban neu Ogledd Iwerddon i alluogi person i gael gwasanaethau amlweinyddu;”;

(e) hepgorer y diffiniad o “ffurflen bresgripsiwn” (“*prescription form*”);

(f) yn y man priodol yn nhrefn yr wyddor, mewnosoder—

“mae “carchar” (“*prison*”) yn cynnwys sefydliad troseddwy'r ifanc ond nid canolfan hyfforddi ddiogel neu garchar y llynges, carchar milwrol neu garchar y llu awyr, ac at ddibenion y diffiniad hwn—

(2) O.S. 2001/1358 (Cy.86). Yr offerynnau diwygio perthnasol yw O.S. 2001/2359 (Cy.196), O.S. 2004/1018 a 2004/1605 (Cy.164) ac O.S. 2005/427 (Cy.44).

(3) O.S. 2000/620.

ystyr “canolfan hyfforddi ddiogel” (“*secure training centre*”) yw man y mae troseddwy'r sy'n destun gorchmynion cadw a hyfforddi o dan adran 100 o Ddeddf Pwerau'r Llysoedd Troseddol (Dedfrydu) 2000(4) (tramgwyddwy'r o dan 18 oed: gorchmynion cadw a hyfforddi) yn gallu cael eu cadw a'u hyfforddi a'u haddysgu a'u paratoi ar gyfer eu rhyddhau; ac

ystyr “sefydliad tramgwyddwy'r ifanc” (“*young offender institution*”) yw man i gadw tramgwyddwy'r a ddedfrydwyd i gael eu cadw mewn sefydliad i droseddwy'r ifanc neu ddalfa am oes;”;

(ff) ar ôl y diffiniad o “carchar” mewnosoder—

“ystyr “carcharor” (“*prisoner*”) yw person a gedwir mewn carchar, lle darperir gwasanaethau deintyddol, offthalmig, fferyllol neu nyrsio o dan y Ddeddf a thrwy, neu o dan drefniadau a wnaed gan Fwrdd Iechyd Lleol neu fel arall heblaw yn rhinwedd adran 7(2) o Ddeddf Iechyd a Meddyginiaethau 1988(5) (estyniad pwerau'r Ysgrifennydd Gwladol i ariannu'r Gwasanaeth Iechyd);”;

(g) hepgorer y diffiniad o “presgripsiwn amlroddadwy” (“*repeatable prescription*”);

(ng) yn y diffiniad o “rhagnodydd atodol” (“*supplementary prescriber*”), ar ôl is-baragraff (c) mewnosoder—

“neu

(ch) y rhan o'r gofrestr a gynhelir gan Gyngor Proffesiynau Iechyd yn unol ag erthygl 5 o Orchymyn Proffesiynau Iechyd 2001(6) sy'n ymwneud â'r canlynol—

(i) ciropodyddion a phodiatriyddion,

(ii) ffysiotherapyddion, neu

(iii) radiograffyddion: diagnostig neu therapiwtig;”;

(h) yn y man priodol yn nhrefn yr wyddor mewnosoder—

“ystyr “ffurflen bresgripsiwn Gymreig” (“*Welsh prescription form*”) yw ffurflen a ddarperir gan Fwrdd Iechyd Lleol neu un o Ymddiriedolaethau'r GIG yng Nghymru a ddyroddwyd gan ragnodydd neu ddeintydd i alluogi person i gael gwasanaethau fferyllol ac nid yw'n cynnwys—

(a) presgripsiwn amlroddadwy Cymreig;

(b) ffurflen bresgripsiwn gyfatebol; neu

(c) presgripsiwn amlroddadwy cyfatebol,

ac at ddibenion y diffiniad hwn—

ystyr “un o Ymddiriedolaethau'r GIG yng Nghymru (“*Welsh NHS Trust*”) yw Ymddiriedolaeth y GIG y lleolir y cyfan neu'r rhan fwyaf o'i hysbytai, sefydliadau a chyfleusterau yng Nghymru;

(i) yn y man priodol yn nhrefn yr wyddor, mewnosoder—

“ystyr “presgripsiwn amlroddadwy Cymreig” (“*Welsh repeatable prescription*”) yw presgripsiwn ar ffurflen a ddarperir gan Fwrdd Iechyd Lleol ac a ddyroddwyd gan ragnodydd amlroddadwy i alluogi person i gael gwasanaethau fferyllol yn y fformat a bennir yn Rhan 1 o Atodlen 1 i Reoliadau Contract y GMS—

(a) a gynhyrchir gan gyfrifiadur ond a lofnodir gan ragnodydd amlroddadwy; a

(b) sy'n dangos y ceir darparu'r cyffuriau neu'r cyfarpar a orchymynnir ar y ffurflen fwy nag unwaith, ac sy'n pennu sawl gwaith y ceir eu darparu;”;

(4) 2000 p.6.

(5) 1988 p.49.

(6) O.S. 2002/254.

Amnewid rheoliad 3 o'r prif Reoliadau

4. Yn lle rheoliad 3 o'r prif Reoliadau rhodder y rheoliad a ganlyn—

“Cyflenwi cyffuriau a chyfarpar gan fferyllwyr

3.—(1) Rhaid i fferylllydd sy'n darparu gwasanaethau fferyllol i glaf, yn ddarostyngedig i baragraff (6), godi ac adennill taliad gan y claf—

- (a) os yw'r claf yn cyflwyno ffurflen bresgripsiwn Gymreig—
 - (i) am eitem hosan elastig ffi o £4.00, hynny yw ffi o £8.00 y pâr,
 - (ii) am gyflenwi pob cyfarpar arall ac am bob swm o gyffur, ffi o £4.00;
- (b) os yw'r claf yn cyflwyno ffurflen bresgripsiwn gyfatebol—
 - (i) am eitem hosan elastig y ffi a bennir yn rheoliad 3(1)(a) o Reoliadau Ffioedd 2000,
 - (ii) am gyflenwi pob cyfarpar arall ac am bob swm o gyffur, y ffi a bennir yn rheoliad 3(1)(b) o Reoliadau Ffioedd 2000.

(2) Os telir ffi o dan baragraff (1), rhaid i'r person sy'n talu, bryd hynny lofnodi datganiad yn ysgrifenedig ar y ffurflen bresgripsiwn Gymreig neu ar y ffurflen bresgripsiwn gyfatebol bod y ffi berthnasol wedi cael ei thalu.

(3) Rhaid i fferylllydd sy'n darparu gwasanaethau amlweinyddu i glaf, yn ddarostyngedig i baragraff (6), godi ac adennill taliad gan y claf hwnnw—

- (a) o ran pob swp-ddyroddiad—
 - (i) am eitem hosan elastig ffi o £4.00, hynny yw ffi o £8.00 y pâr,
 - (ii) am gyflenwi pob cyfarpar arall ac am bob swm o gyffur, ffi o £4.00;
- (b) o ran pob swp-ddyroddiad cyfatebol—
 - (i) am eitem hosan elastig y ffi a bennir yn rheoliad 3(1A)(b)(i) o Reoliadau Ffioedd 2000,
 - (ii) am gyflenwi pob cyfarpar arall ac am bob swm o gyffur, y ffi a bennir yn rheoliad 3(1A)(b)(ii) o Reoliadau Ffioedd 2000.

(4) Os telir ffi o dan baragraff (3), rhaid i'r person sy'n talu, bryd hynny lofnodi datganiad yn ysgrifenedig ar y swp-ddyroddiad neu'r swp-ddyroddiad cyfatebol bod y ffi berthnasol wedi cael ei thalu.

(5) At ddibenion y rheoliad hwn—

- (a) os cyflenwir cyffur a orchmynnir ar ffurflen bresgripsiwn Gymreig sengl fesul cyfrannau, rhaid i'r ffi o £4.00 sy'n daladwy am y cyffur hwnnw gael ei thalu pan gyflenwir y gyfran gyntaf;
- (b) os cyflenwir cyffur a orchmynnir ar ffurflen bresgripsiwn gyfatebol sengl fesul cyfrannau, rhaid i'r ffi a bennir yn rheoliad 3(4) o Reoliadau Ffioedd 2000 gael ei thalu pan gyflenwir y gyfran gyntaf.

(6) Ni chaniateir codi nac adennill ffioedd o dan baragraffau (1), (3) neu (5) yn yr amgylchiadau canlynol—

- (a) pan fydd esemptiad o dan reoliad 8 a bod datganiad o hawl i esemptiad wedi'i gwblhau'n briodol gan neu ar ran y claf—
 - (i) mewn achosion pan gyflwynir ffurflen bresgripsiwn Gymreig, ar y ffurflen bresgripsiwn Gymreig,

- (ii) mewn achosion pan gyflwynir ffurflen bresgripsiwn gyfatebol, ar y ffurflen bresgripsiwn gyfatebol,
 - (iii) mewn achosion sy'n dod o fewn paragraff (3), ar y swp-ddyroddiad o ran y presgripsiwn amlroddadwy Cymreig neu, ar y swp-ddyroddiad cyfatebol o ran y presgripsiwn amlroddadwy cyfatebol, ar yr adeg y cyflenwir y cyffur neu'r cyfarpar;
- (b) pan fydd hawl i beidio â thalu'r ffi o dan reoliad 3 o Rheoliadau Treuliau Teithio a Pheidio â Chodi Tâl a datganiad o hawl i beidio â thalu wedi'i gwblhau'n briodol gan neu ar ran y claf—
- (i) mewn achosion pan gyflwynir ffurflen bresgripsiwn Gymreig, ar y ffurflen bresgripsiwn Gymreig,
 - (ii) mewn achosion pan gyflwynir ffurflen bresgripsiwn gyfatebol, ar y ffurflen bresgripsiwn gyfatebol,
 - (iii) mewn achosion sy'n dod o fewn paragraff (3), ar y swp-ddyroddiad o ran y presgripsiwn amlroddadwy Cymreig neu, ar y swp-ddyroddiad cyfatebol o ran y presgripsiwn amlroddadwy cyfatebol, ar yr adeg y cyflenwir y cyffur neu'r cyfarpar; neu
- (c) pan fydd y claf yn preswyllo mewn ysgol neu sefydliad y mewnosodwyd ei henw neu ei enw ar y ffurflen bresgripsiwn Gymreig neu ar y ffurflen bresgripsiwn gyfatebol gan ragnodydd yn unol â theler contract gwasanaethau meddygol cyffredinol sy'n rhoi effaith i baragraff 44(2) o Atodlen 6 i Reoliadau Contractau GMS neu drefniadau eraill ar gyfer darparu gwasanaethau meddygol sylfaenol a wnaed o dan adran 16CC(2) o'r Ddeddf.
- (7) Ni fydd fferylllydd, beth bynnag fo telerau ei wasanaeth, o dan rwymedigaeth i ddarparu gwasanaethau fferyllol o ran gorchymyn ar—
- (a) ffurflen bresgripsiwn Gymreig,
 - (b) ffurflen bresgripsiwn gyfatebol,
 - (c) presgripsiwn amlroddadwy Cymreig, neu
 - (ch) presgripsiwn amlroddadwy cyfatebol,
- oni thelir yn gyntaf iddo gan y claf unrhyw ffi y mae'n ofynnol ei chodi a'i hadennill gan baragraff (1), (3), neu (5) o ran y gorchymyn hwnnw.
- (8) Rhaid i fferylllydd sy'n codi ac yn adennill ffi o dan baragraff (1), (3), neu (5), os bydd y claf yn gofyn am hynny, roi derbynneb i'r claf am y swm a dderbyniwyd ar y ffurflen a ddarparwyd at y diben a rhaid i'r ffurflen honno gynnwys ffurfiau o ddatganiad yn cefnogi cais am ad-daliad a gwybodaeth o ran i bwy y gellir gwneud cais am ad-daliad.
- (9) Caiff unrhyw swm a fyddai fel arall yn daladwy gan Fwrdd Iechyd Lleol i fferylllydd o ran darparu gwasanaethau fferyllol gan y fferylllydd ei leihau gan swm unrhyw ffioedd y mae'n ofynnol eu codi a'u hadennill gan y darpariaethau blaenorol yn y rheoliad hwn.”.

Diwygio rheoliad 4 o'r prif Reoliadau

5.—(1) Diwygier rheoliad 4 o'r prif Reoliadau fel a ganlyn.

(2) Yn lle paragraff (1) rhodder y canlynol —

“(1) Rhaid i feddyg sy'n darparu gwasanaethau fferyllol i glaf, yn ddarostyngedig i baragraff (3), godi ac adennill taliad gan y claf hwnnw—

(a) os yw'r claf yn cyflwyno ffurflen bresgripsiwn Gymreig—

(i) am eitem hosan elastig ffi o £4.00, hynny yw ffi o £8.00 y pâr,

- (ii) am gyflenwi pob cyfarpar arall ac am bob swm o gyffur, ffi o £4.00;
- (b) os yw'r claf yn cyflwyno ffurflen bresgripsiwn gyfatebol—
 - (i) am eitem hosan elastig y ffi a bennir yn rheoliad 4(1)(a) o Reoliadau Ffioedd 2000,
 - (ii) am gyflenwi pob cyfarpar arall ac am bob swm o gyffur, y ffi a bennir yn rheoliad 4(1)(b) o Reoliadau Ffioedd 2000.”.
- (3) Ym mharagraff (2) yn lle'r geiriau “ffurflen bresgripsiwn” rhodder “ffurflen bresgripsiwn Gymreig neu ar y ffurflen bresgripsiwn gyfatebol”.
- (4) Ym mharagraff (3) yn lle'r geiriau “ffurflen bresgripsiwn” ym mhob man y digwydd, rhodder y geiriau “ffurflen bresgripsiwn Gymreig neu ar y ffurflen bresgripsiwn gyfatebol”.
- (5) Ym mharagraff (4)—
 - (a) yn lle'r geiriau “ffurflen bresgripsiwn sengl” rhodder “ffurflen bresgripsiwn Gymreig sengl neu ffurflen bresgripsiwn gyfatebol sengl”; a
 - (b) yn lle “£6.00” rhodder “£4.00”.

Diwygio rheoliad 8 o'r Prif Reoliadau

- 6.—(1) Diwygier rheoliad 8 o'r prif Reoliadau fel a ganlyn.
- (2) Ym mharagraff (3), ar ddechrau'r paragraff, mewnosoder “Yn ddarostyngedig i baragraff (3A)”.
- (3) Ar ôl paragraff (3) mewnosoder—
 - “(3A) Ni fydd yn ofynnol i berson sy'n dod o fewn paragraff (1)(a) neu (b) ddarparu unrhyw ddatganiad o hawl sy'n ofynnol gan reoliadau 3(6) neu 4(3) os dyroddwyd—
 - (a) ffurflen bresgripsiwn Gymreig;
 - (b) presgripsiwn amlroddadwy Cymreig;
 - (c) ffurflen bresgripsiwn gyfatebol; neu
 - (ch) presgripsiwn amlroddadwy cyfatebol,
 a bod dyddiad geni'r person wedi'i argraffu drwy gyfrwng cyfrifiadur ar y ffurflen berthnasol.”.

Mewnosod rheoliad 8A yn y prif Reoliadau

- 7. Ar ôl rheoliad 8, mewnosoder y rheoliad canlynol—

“Esemptiad rhag ffioedd ar gyfer carcharorion

- 8A.** Nid yw carcharor yn atebol i dalu unrhyw ffioedd o dan y Rheoliadau hyn.”.

Diwygio rheoliad 11 o'r prif Reoliadau

- 8. Ym mharagraff (2) o reoliad 11 o'r prif Reoliadau, yn lle'r geiriau “rheoliad 3(6)” rhodder “rheoliad 3(8)”.

Llofnodwyd ar ran Cynulliad Cenedlaethol Cymru o dan adran 66(1) o Ddeddf Llywodraeth
Cymru 1998(7)

12 Gorffennaf 2005

D. Elis-Thomas
Llywydd y Cynulliad Cenedlaethol

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

YR ATODLEN

rheoliad 2

Symiau a amnewidir yn y prif Reoliadau

<i>(1)</i> <i>Y ddarpariaeth yn y prif Reoliadau</i>	<i>(2)</i> <i>Y pwnc</i>	<i>(3)</i> <i>Swm blaenorol</i>	<i>(4)</i> <i>Swm newydd</i>
Rheoliad 3	Cyflenwi cyffuriau a chyfarpar gan fferyllwyr—		
paragraff (1)(a)(i)	ffi am hosanau elastig—		
	fesul eitem	£4.00	£3.00
	y pâr	£8.00	£6.00
paragraff (1)(a)(ii)	ffi am gyffuriau, ac am gyfarpar na phennir ym mharagraff (1)(a)(i)	£4.00	£3.00
paragraff (3)(a)(i)	ffi am hosanau elastig—		
	fesul eitem	£4.00	£3.00
	y pâr	£8.00	£6.00
paragraff (3)(a)(ii)	ffi am gyffuriau, ac am gyfarpar na phennir ym mharagraff (3)(a)(i)	£4.00	£3.00
paragraff (5)(a)	ffi am gyffuriau a gyflenwir fesul tipyn	£4.00	£3.00
Rheoliad 4	Cyflenwi cyffuriau a chyfarpar gan feddygon —		
paragraff (1)(a)(i)	ffi am hosanau elastig—		
	fesul eitem	£4.00	£3.00
	y pâr	£8.00	£6.00
paragraff (1)(a)(ii)	ffi am gyffuriau, ac am gyfarpar na phennir ym mharagraff (1)(a)(i)	£4.00	£3.00
paragraff (4)	ffi am gyffuriau a gyflenwir fesul tipyn	£4.00	£3.00
Rheoliad 5	Cyflenwi cyffuriau a chyfarpar i gleifion allanol gan Fyrddau		

<i>(1)</i> <i>Y ddarpariaeth yn y</i> <i>prif Reoliadau</i>	<i>(2)</i> <i>Y pwnc</i>	<i>(3)</i> <i>Swm blaenorol</i>	<i>(4)</i> <i>Swm newydd</i>
	Iechyd Lleol ac Ymddiriedolaethau GIG —		
paragraff (1)(a)	ffi am hosanau elastig—		
	fesul eitem	£4.00	£3.00
	y pâr	£8.00	£6.00
paragraff (1)(c)	ffi am deits	£8.00	£6.00
paragraff (1)(ch)	ffi am gyffuriau a chyfarpar na phennir ym mharagraff (1) (a) neu (1)(c), neu yn Atodlen 1	£4.00	£3.00
paragraff (5)	ffi am gyffuriau a gyflenwir fesul tipyn	£4.00	£3.00
Rheoliad 6	Cyflenwi cyffuriau a chyfarpar mewn Canolfannau cerdded- i-mewn		
paragraff (1)(a)	ffi am hosanau elastig—		
	fesul eitem	£4.00	£3.00
	y pâr	£8.00	£6.00
paragraff (1)(b)	ffi am gyffuriau a chyfarpar na phennir ym mharagraff (1)(a)	£4.00	£3.00
paragraff (4)	ffi am gyffuriau a gyflenwir fesul tipyn	£4.00	£3.00
Rheoliad 7(1)	Cyflenwi cyffuriau o dan Gyfarwyddiadau Grwp Cleifion	£4.00	£3.00
Rheoliad 10(5)	Tystysgrif ragdalau —		
	4 mis	£20.93	£15.69
	12 mis	£57.46	£43.09

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

EXPLANATORY NOTE

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn diwygio Reoliadau'r Gwasanaeth Iechyd Gwladol (Ffioedd am Gyffuriau a Chyfarpar) (Cymru) 2001 ("y prif Reoliadau") sy'n darparu ar gyfer codi ac adennill ffioedd am gyffuriau a chyfarpar sy'n cael eu cyflenwi o dan Ddeddf y Gwasanaeth Iechyd Gwladol 1977.

Mae rheoliad 2 a'r Atodlen yn gostwng y ffi am eitemau ar bresgripsiwn a gyflenwir i gleifion o £4.00 i £3.00. Gostyngir y ffi am hosanau elastig o £4.00 i £3.00 (o £8.00 i £6.00 y pâr) a'r ffi am deits o £8.00 i £6.00. Gostyngir y symiau a ragnodir i roi tystysgrifau rhagdalau o £20.93 i £15.69 am dystysgrif pedwar mis ac o £57.46 i £43.09 am dystysgrif deuddeg mis.

Mae diwygiadau a wneir gan reoliadau 4 a 5 yn darparu ar gyfer cymhwysio ffioedd ar gyfer darparu gwasanaethau fferyllol a ragnodir gan y prif Reoliadau o ran "presgripsiynau Cymreig" yn unig, sef y presgripsiynau hynny a ddyroddir ac a weinyddir yng Nghymru. Cymhwysir ffioedd ar gyfer presgripsiynau a ddyroddir o dan drefniadau cyfatebol sy'n effeithiol yn Lloegr, yr Alban a Gogledd Iwerddon ("presgripsiynau cyfatebol") yn ôl y cyfraddau a ragnodir gan Reoliadau'r Gwasanaeth Iechyd Gwladol (Ffioedd am Gyffuriau a Chyfarpar) 2000.

Mae rheoliad 6 yn tynnu'r gofyniad bod yn rhaid i bersonau o dan 25 oed, a phersonau 60 oed neu drosodd, sy'n esempt rhag talu ffioedd o dan y prif Reoliadau yn rhinwedd eu hoedran, ac y nodir eu dyddiad geni ar ffurflenni presgripsiwn Cymreig, presgripsiynau amlroddadwy Cymreig, neu'r hyn sy'n cyfateb iddynt, ddatgan eu bod yn esempt oherwydd eu hoedran pan gyflenwir hwy â chyffuriau neu gyfarpar gan fferyllwyr o dan reoliad 3 o'r prif Reoliadau neu gan feddygon o dan reoliad 4 o'r prif Reoliadau.

Mae rheoliad 7 yn mewnosod rheoliad newydd yn y prif Reoliadau sy'n darparu na fydd carcharorion mewn carcharau penodol yn atebol i dalu unrhyw ffioedd o dan y prif Reoliadau. Dim ond tra byddant yn y carchar mewn gwirionedd y bydd carcharorion yn cael cyffuriau a chyfarpar yn ddi-dâl ac felly ni fydd angen iddynt brofi eu hawl i esemptiad rhag talu'r ffioedd. Daw'r newid hwn o ganlyniad i drosglwyddo cyfrifoldeb dros ddarparu gofal iechyd o'r Swyddfa Gartref i Fyrddau Iechyd Lleol sy'n effeithiol o Ebrill 2006.